

明總部政績錄二之五

貴陽府志卷五十六

知貴陽府事泰和周作楫夢巖輯

知貴陽府事博白朱德璫綬堂刊

錄三

明總部政績錄第二之二

王軾

張廉

錢鉞

洪鍾

沈林

陳天祥

蕭獅

曹祥

王詔

劉元

張

撫

陳金

吳伯通

張貫

劉丙

姚鎮

包裕

王一言

馬炳然

弟自然

丁養浩

黃珂

張淳

王濟

徐文華

周文光

周廷用

胡瓊

吳倬

費瑄

席書

陸健

蔡潮

吳環

湯全
毛科

王軾字用敬公安人天順八年進士授大理寺右評事遷右寺正擢四川副使改陝西宏治初擢按察使三年遷南京右僉都御史提督操江進右副都御史

總理南京糧儲旋命巡撫貴州明年入爲大理卿十
三年拜南京戶部尚書尋命兼左副都御史總督貴
州軍務以破米魯功加太子少保改南京兵部叅贊
機務乞致仕不允武宗立遇疾復請詔加太子太保
賜勅乘傳歸卒贈太保諡襄簡明史有傳載之去貴
州巡撫也張廉代之

張廉字孟介歸安人宏治中官貴州按察使就進左
布政使尋拜右副都御史巡撫貴州在黔日久民俗
蠻情靡不諳悉凡所興革撫討悉中機宜廉去錢穀
代

錢鑑字大用杭州人成化十三年官貴州按察使好
獎率人材注意學校於學校中多所興建製樂器增
學舍立社學諸事尤其卓卓者入爲太僕寺卿宏治
十二年擢右副都御史巡撫貴州乾隆貴州通志稱
錢巡撫貴州清操善政一如其爲廉使時鉞去汪奎
代奎去劉洪代洪去蕭曰林元甫代元甫去錢塘洪
鑑代

洪鑑字宣之錢塘人成化十一年進士授刑部主事
遷郎中宏治初再遷四川按察使歷江西福建左右
布政使十一年擢右副都御史巡撫順天整飭創州

邊備十八年調貴州時地方疲敝鐘畱意拊循安輯
苗夷民始復業明年召督漕運兼巡撫江北正德二
年就進右都御史改掌南京都察院就遷刑部尚書
四年加太子少保兼左都御史掌院事五年總制湖
廣陝西河南四川後乞歸嘉靖三年卒諡襄惠明史
有傳鐘去萬全王質代質去巡撫裁五年復設邵寶
爲之寶去慈谿魏英代魏英去鄞縣楊茂元代茂元
去長洲沈林代

沈林字才美長洲人成化十七年進士正德七年官
右僉都御史巡撫貴州貴州宣慰同知宋然貪淫於

所管內設洪湖等十二馬頭科歛苗民激而爲變宣
慰使安貴榮欲并然地遂誘其衆作亂於是阿朶等
聚衆二萬餘以反署立名號攻陷寨堡襲然所居大
羊場然僅以身免貴榮遽以狀上冀令已討捕因以
爲功而阿朶黨泄其情林乃遣都司兵進討貴榮懼
自率所部助之賊遂平林請以貴筑平伐等七長官
司洪邊并二馬頭地及金筑安撫司總設一府洪邊
貴筑各設縣并以流官治之旨未下林遷去代者爲
陳天祥乃言立流官蠻民不便事遂寢其後萬歷崇
禎間立貴筑縣開州卒如林言

陳天祥字元吉興江人正德八年以巡撫天津地方
左僉都御史陞貴州先是金石司長官石承寵臥龍
司蠻賊王阿倫叛積年未平而廣西泗城州賊王彪
又起與之連結僭號稱王天祥偕巡按御史鄭約勤
禽之後天祥以協理都察院事召還蕭翀代

蕭翀內江人以進士授官正德中歷右副都御史巡
撫貴州初西堡有阿得獅子孔有阿江二種皆草獠
也據滄浪六寨不供常賦西堡土官溫愷懼罪自縊
其子廷玉請免賦不允往徵爲其寨長乜呂等所殺
六年廷玉弟廷瑞訴於前撫臣撫臣議用兵而呂死

會狎莅貴州遣指揮楊仁撫其衆曰輸賦則不用兵
衆咸悅從西堡遂定狎去曹祥代

曹祥字應麟歙縣人正德中官右副都御史巡撫貴
州初香爐山賊自景泰中積年未平至是阿旁之黨
阿皆阿革皆稱王更糾苗衆焚劫居民興隆偏橋平
越新添龍里貴州諸衛皆被其害祥檄貴州諸衛及
湖廣永順保靖土兵令都指揮周吉率以往勦且令
叅議蔡潮監軍賊未及平祥旋被劾去公安鄒文盛
代文盛去湯沐代

王詔字文振趙州人天順八年進士授工科給事中

累遷都給事中出爲湖廣右叅政遷右布政使宏治
改元轉貴州左布政使其冬以右副都御史巡撫雲
南召拜南京兵部右侍郎未上卒詔秉性閑弟羣吏
化之在貴州未浹歲民用安謐

劉元仁壽人天順中進士授主事宏治四年累遷至
貴州左布政使廉靜寡欲以節儉先羣僚恒食惟蔬
一蔬蔬常用芥土人呼芥爲青菜因號元曰青菜
公元之後歷歸安張瀛又有張撫寶雞人貴州通志
稱其剛介明敏而清苦之操尤異於人貪墨之徒
然見而改之亦廉吏也撫之後歷南海李祥南和

銓江山陳孜嘉興陳俊名新城王敏巴陵方廷玉
亨湯全南充任宏宜春郭紳餘姚翁健之成都何琛
古田羅榮十二政始有餘姚陳雍江陵趙文奎文奎
後厯建平宗重靈寶楊惟康乃至梁材

陳金字汝礪應城人成化八年進士除婺源知縣擢
南京御史宏治初巡按浙江厯山西副使九年擢貴
州按察使性平易無所窒礙遇事卽決在貴州多美
政遷雲南左布政使去父老請畱以識遺愛金以
所揮扇畀之衆寶藏焉時有遺扇詩哀然成集皆愛
戴之作也金後就拜右副都御史巡撫雲南貴州召

爲南京戶部右侍郎正德元年以右都御史總督兩廣軍務進左都御史三年遷南京戶部尚書明年冬召爲左都御史以母喪歸六年江西盜起詔起金總制軍務事平加太子少保被劾召還金請終喪去十年再起總督兩廣軍務平府江賊王公恂加少保太子太保十四年入掌都察院世宗立請老歸久之卒金去吳伯通繼之

吳伯通廣安人以進士授官宏治十一年累官貴州按察使爲政不屑於細務而大體詳明暇則進諸生講明經義纓纒忘倦伯通後厯巴縣劉福信陽馮錦

長洲劉梁而張貫繼之

張貫，雋縣人，以進士授官，累遷至貴州按察使。正德初，以事降雲南叅政。時王守仁謫龍場驛丞，曾作詩以送之，云：「世味知公最飽諳，百年清德亦何慚。柏臺薇省官非左，漢水滇池道益南。絕域烟花憐我遠，今宵風月好誰談。交遊若問居夷事，爲說山泉頗自堪。」
能與守仁交而守仁贈詩如此，當非猥俗憲長也。貫去劉丙繼之。

劉丙，字文煥，安福人。南雄知府實孫也。成化末進士，遷庶吉士，改御史，巡按雲南，旋督兩淮鹽課。福建四

川副使俱督學校正德四年再遷貴州按察使廉明
詳慎以洗冤澤物爲任決大獄每傳古義讀其牘者
無不欽其明允而嘆其深合經術世稱神明靈長焉
擢四川左布政使正德六年以右副都御史巡撫湖
廣遷工部右侍郎卒詔贈尙書諡恭襄丙操履清介
敢任事所至法令修舉丙去綿州金獻民繼之獻民
後歷福清鄭端蒙化朱璣歸安陳恪而慈谿姚鏌繼
之

姚鏌字英之慈谿人宏治六年進士除禮部主事進
員外郎擢廣西提學僉事遷福建副使未幾改督學

政正德九年擢貴州按察使作興士類頌讀書矩矱
於學校講業課士無有倦時提學道雖爲按察司之
貳然學政非按察使專職鎮以職事相涉猶好之如
此故士類稱之十五年拜右副都御史巡撫延綏召
爲工部右侍郎出督漕運改兵部左侍郎嘉靖四年
遷右都御史提督兩廣軍務兼巡撫就進左都御史
加太子少保以事落職十三年起兵部尙書總制三
邊軍務未赴帝不悅仍落職數年卒明史有傳鎮去
厯江甯張琮武陵陳洪謨鄞縣李麟乃至傳習
包裕字好問臨桂人成化十四年進士宏治元年巡

撫貴州秉性寬恕耻以擊搏爲能凡事務通民情不
怒而威尤加惠然獨顧連無告之人悉收之養濟院
靡有失所者又嘗與副使具倬疏請站夫月米語具
倬錄

王一言字行之內江人以進士授御史宏治七年出
按貴州端澁嚴重吏不敢犯然好施德惠及於小民
民亦不忍欺論者謂如雨露霜雪寬嚴各以其時世
稱稱職御史十二年升雲南兵備副使在雲南尤多
善政官終僉都御史

馬炳然字思進內江人成化十七年進士授嘉魚知

縣推御史宏治中巡按貴州以風裁著聞累遷至兵部侍郎總督致仕家居流賊劉六起官軍勦之六執炳然挾令作書退軍炳然憤罵遇害妻女俱赴水死事聞贈右都御史謚毅愍弟自然以進士授官應貴州右參政剛毅不撓亦有炳然風

丁義浩仁和人宏治九年巡按貴州好聲張公而遇下情風裁峻整所至興學育材以教化爲先喜吟咏常與士人酬唱而人莫敢干以私

黃珂字鳴玉遂甯人成化二十年進士授龍陽知縣以治行聞擢御史出按貴州務持大體不以搏擊爲